

Annika, 9j.



suechet äs nöiis Daheime mit Freigang ufm Land

Hoi Du,

ja DU, bisch Du min nöie Mönsch? Nach Dir suech ig! Warum? Ig wohne ir liebi Familie, abr mir hei no e angeri Chatz dihei. U ig mag doch chei angeri Chatz, di schträsst mi mega (nid wiitersäge: ig ha aagfange, us Protescht inne z'bisle, abr di Chaz isch immr no do, das schtört di Chatz nid!). Itze suech ig haut säubr es Einzelplätzli. Bi ja es drüfarbiges Glückschätzli, auso müesst das scho mou chlappe. Drum!

Ig bi 9jährig, kaschtriert, grundimmunisiert, chipped, gsung u schtuberein (... wenn ig vo dr angeri Chatz trännt bi u sy nid säh). Ig ha früchener mou es chliinis Problem cha mit Harnschtei, sy abr entfärnt u itze isches guet. Vorbeugend tue ig Urinaryfuetter becho u es Pülverli, mag ig ou, isch megafein. Ig bi fit wie e Jungschpund, aahängelech u verschmuest (na guet, meh im Wintr, da bliib ig gärn dinne im Warme u denn bin ig d'Schmusechatz par excellence, im Summmr muess ig dusse sy, denn han ig wenigr Ziit zum Schmüsele.). U ig liebs, i Dim Bettli z'pfluuse, dörft ig das bi Dir? Was ig dagäge gar nid mag, das sy angeri Chatze, chlini Ching u Hüng.

Ig dänk, ig bi's perfäkts Büesi für älteri, abr fitti Lüüt mit Ziit, Geduud u Erfahrig, die wo vii daheime sy u zu mir luege u mir Freigang ir ländleche Umgäbig, Fäuder u Wiese, das isch mini Wäut. Im Summr, im Wintr bin ig gärn im Warme bi Dir, Chuschele isch denn agseit. Bisch Du villiicht pensioniert odr bisch Du eifach vii dihei? Odr siit Dir e nätti Familie? U möchtisch Du mi uf Lääbänsziit verwöhne u mi lieb habe? U wohnsch Du ir ländleche Gägend, wo ig usse dörfti? Ufm Land sött's scho sy, vii bfahreni Schtrasse sy mir frömd, das chenn ig nid. Viui Wünsch, gäu? Abr das wär's! Denn müesst mir üs unbedingt lehre chenne. Ig wohne im Moment no z'Windisch/AG, zügler aber gärn zu Dir, wo ou immer Du wohnsch. Mäd Di doch bitte ganz gly bi dr Sonja Ball. Sie het sich mir agno u suechet für mi das nöii Plätzli. Bsuech mi doch einisch, denn chönntet mir üs beschnuppere!

Dini Annika



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch